

Broj: 08-22/6-1694/23
Sarajevo, 20.10.2023. godine

BOSNA I HERCEGOVINA
FEDERACIJA BOSNE I HERCEGOVINE
DOM NARODA PARLAMENTA FEDRACIJE BIH
n/r delegat, Ivo Šimunović

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 31-10-2023			
Org. jed.	Broj	Priloga	Vrijednost
052	-02-	370	123

BOSNA I HERCEGOVINA
FEDERACIJA BOSNE I HERCEGOVINE
DOM NARODA PARLAMENTA FEDRACIJE BIH ✓
n/r sekretara Doma naroda Parlamenta F BiH

FEDERACIJA BOSNE I HERCEGOVINE
VLADA FEDERACIJE BIH
n/r sekretara Vlade FBiH

PREDMET: Odgovor na delegatsko pitanje
Veza: akt Sekretara Doma naroda PFBiH, br. 05/2-02-370/23 od 10.10.2023. godine

Poštovani,

Vezano za delegatsko pitanje, upućeno od strane delegata - Ivo Šimunović, na 4. sjednici Doma naroda Parlamenta Federacije Bosne i Hercegovine, održanoj 05.10.2023. godine, a koje se odnosi na aktivnosti koje poduzima ovo Ministarstvo na području Županije Središnja Bosna i u Jajcu da zaštiti poljoprivrednike u djelatnosti stočarstva, pčelarstva i voćarstva od napada medvjeda, dajemo sljedeći:

ODGOVOR

Naknada štete koju pričini mrki medvjed vlasnicima stoke, voćnjaka i pčelinjaka vrši se u skladu sa Zakonom o lovstvu ("Službene novine Federacije BiH", br.4/06, 8/10 i 81/14) i podzakonskim aktima donesenim na osnovu istog.

Ovo Ministarstvo je korisnicima lovišta (lovačka društva) na teritoriji Federacije Bosne i Hercegovine u više navrata dalo upute vezano za obaveze korisnika lovišta po pitanju gospodarenja mrkim medvjedom, odnosno, pojasnilo zakonske odredbe kojima je isto pitanje definisano, prvenstveno u cilju smanjenja šteta od ove vrste divljači.

Također, ovo Ministarstvo je imenovalo Interventni tim za velike zvijeri u Federaciji Bosne i Hercegovine koji svoje aktivnosti provodi pri pojavi problematičnih velikih zvjeri (mrki medvjed, vuk i ris), opasnih po život ljudi, kada nastupi neuobičajeno velika šteta na imovini, javnom dobru, dobru od općeg interesa ili domaćim životinjama, pojavi stradanja u prometu, kao i u slučaju sumnje da je zaštićena divljač ugrožena u mjeri da ne može samostalno opstati u prirodi.

Interventni tim za velike zvijeri u Federaciji BiH je zajedno sa korisnicima lovišta na području Srednjoboanskog kantona do sada (period od cca 18 mjeseci), proveo uspješno 14 intervevencija u cilju zaštite života i zdravlja stanovništva i imovine, kao i u cilju zaštite divljači.

Napominjemo da je gospodarenje mrkim medvjedom u Federaciji Bosne i Hercegovine propisano je Zakonom o lovstvu ("Službene novine Federacije BiH", br.4/06, 8/10 i 81/14) i podzakonskim aktima donesenim na osnovu njega, Rješenjem o ustanovljenju uzgojnih područja za mrkog medvjeda u Federaciji Bosne i Hercegovine ("Službene novine Federacije BiH", broj 38/22),

Zakonom o zaštiti prirode ("Službene novine Federacije BiH", broj 66/13), Crvenom listom ugroženih divljih vrsta i podvrsta biljaka, životinja i gljiva („Službene novine Federacije BiH”, broj:7/14) i Zakonom o zaštiti i dobrobiti životinja ("Sl. glasnik BiH", br. 25/09 i 9/18) 46/00).

Crvenom listom ugroženih divljih vrsta i podvrsta biljaka, životinja i gljiva utvrđenom od strane Federalnog ministarstva okoliša i turizma, mrki medvjed je u Federaciji BiH proglašen ugroženom vrstom divljih životinja.

Kao potpisnica više međunarodnih konvencija Bosna i Hercegovina se obavezala preduzimati sve potrebne pravne i administrativne mjere, na nacionalnoj i međunarodnoj razini, kako bi osigurala zaštitu, između ostalih i mrkog medvjeda, kao i njegovog prirodnog staništa.

Članom 17. Zakona o lovstvu je propisano da se mrkim medvjedom gospodari na nivou uzgojnih područja.

Rješenjem o ustanovljenju uzgojnih područja za mrkog medvjeda u Federaciji BiH propisano je, da se mrkim medvjedom na uzgojnom području gospodari na osnovu Plana gospodarenja mrkim medvjedom za uzgojno područje (dugoročni plan) i Godišnjeg plana gospodarenja mrkim medvjedom za uzgojno područje.

Plan gospodarenja i Godišnji plan gospodarenja mrkim medvjedom za uzgojno područje izrađuju i donose korisnici lovišta obuhvaćeni u granicama uzgojnog područja, a odobrava ih nadležno kantonalno ministarstvo uz predhodnu saglasnost Federalnog ministarstva poljoprivrede, vodoprivrede i šumarstva i Federalnog ministarstva okoliša i turizma.

Napominjemo da su korisnici lovišta imali mogućnost izraditi planove gospodarenja mrkim medvjedom od 2008. godine i pribaviti potrebne saglasnosti kako bi se ovom velikom zvijeri moglo u skladu sa propisima planski gospodariti, između ostalog i vršiti zakonit planski odstrel.

U Federaciji BiH su do sada izrađeni i dostavljeni na saglasnost Federalnom ministarstvu poljoprivrede, vodoprivrede i šumarstva planovi gospodarenja za mrkog medvjeda samo za 2 (dva) kantona (Kanton 10 i Kanton Sarajevo), na koje su izdate saglasnosti, a u ostalim kantonima izrada ovih planova je u toku i očekujemo dostavljanje istih na saglasnost u što skorije vrijeme (1 - 6 mjeseci).

Izradom i odobravanjem planova gospodarenja mrkim medvjedom za uzgojna područja i u ostalim kantonima u Federaciji BiH stvorit će se uslovi za plansko gospodarenje ovom vrstom divljači na cijeloj teritoriji Federacije BiH, što će direktno smanjiti prisustvo mrkog medvjeda u naseljenim mjestima kao i štete koje čini ova divljač.

S poštovanjem,

MINISTAR
Kemal Hrnjić



Dostavljeno:

1. Naslovu ... X 3;
2. FMPVŠ, Sektor za šumarstvo i lovstvo;
3. Arhiva.